

شعر

# آه... یا اُمّی

د. محمد شکری

اهداءات ٢٠٠٢

الشاعر / محمد العليم القبانبي


الإسكندرية



دكتور محمد شكري  
BIBLIOTHECA ALEXANDRINA











## إطالة

بافتكر يا مصر .. أمى  
لما ذكرك يحتوينى  
وان ذكرت أمى فى لحظة  
ألقى صورتك جوه عيني  
إنتى أمى وهى أمى  
والفراق بينكم وبينى  
حبكم يسبح فى دمي  
حبكم يشعل حنينى  
حتى فى لفظ «الأمومة»  
حب مكتوب فوق جبينى



# الإهداء

إلى أمي

إلى النعمة الضرورية

التي وهبها الله للبشرية

إلى أمي

عنوان كل الأمهات

شكري



• الأخ والصديق الأستاذ الدكتور محمد شكرى جاد شاعر الاسكندرية المجيد، وزجالها الفصيح من أحلى الشخصيات الإنسانية التى قابلتها فى حياتى، فقد حباه الله من الصفات والسمات أجملها وأنبلها.. من أى اتجاه تنظر فيه إليه.. فهو القسيم الوسيم صاحب الوجه المليح، المشرق، الباش على الدوام، البادى به رضا الله على صاحبه.. وهو بين باقة الأدباء والشعراء وأهل الفن بالاسكندرية، صاحب الصوت الهامس، المهدب، المميز بنبرة العاطفة والحنان، والذى يتسلل بصاحبه إلى قلبك دونما استئذان.. ومن أول لقاء.. وهو الصادق صاحب الوفاء لأحبابه وأقرانه.. تجده - رغم إغترابه وبعد المنازل عنهم - أقرب إليهم من المجاورين، حاضراً بينهم يضح بأريج شعره.. وعطره.. وأنفاسه.. وصوته فى قلب ياقتهم حين تكتمل لمتها ويرتبط عقدها.. ولست مبالغاً فى أية صفه أرسلتها فى كلامى هذا، فهذه هى حقيقته التى عرفه بها كل من لاقاه واقترب منه.

• والشاعر محمد شكرى لم يعد فى حاجة إلى تقديم أو مقدمات، بعد تاريخه الشعرى الطويل الممتد، سواء فى الفصحى أو العامية، وبعد أن أشرى مكتبة الشعر بدويانيه الأولين (غربة وصبابه) و (لن تعرفى مثلى) فى كلا الفرعين من هذا الفن، والذين يأتيان من مصدر واحد، هو ينبوع الفن والخيال والجمال والمتعة والاستشراق.. ينبوع الشعر الخالد.

• ولكن هذا الديوان بالذات يحتاج إلى وقفة وإلى تأمل وإلى تقدير.. فهو أول ديوان كامل ينظم فى (الأم).. الأم حضن الإنسانية الخالد، وأول وجه يطالعك فى الحياة.. الأم التى قدرها الله فى كتابه الكريم وجعل الجنة تحت أقدامها، والتى قدرها الرسول العظيم فى أحاديثه، وفضلها وزكاها لدى المؤمن عن كل الأقربين إليه.

ولست بمستطيع سرد ما جاء فى قصائد الديوان، فلن يكون كلامى أبلغ مما جاء بها، فهى منظومات حارة من صميم القلب، تبين مدى ارتباط الشاعر بأمه، والفجعية الصاعقة القاسية التى عاناها فى فقدها وهو مغترب عنها، ومشاعره الوجدانية فى عدم التصديق بأنها قد ذهبت بعيداً عنه إلى غير رجعة، وأنه ما زال متصلاً بها عن طريق هذا الوجدان تحادثه ويحادثها.. خاصة فى رسائله البديعة إليها والتى تضم جانباً كبيراً من هذا الديوان.. والواقع أن الديوان بأكمله يعتبر قصيدة طويلة واحدة.. متصلة المقاطع فى غرض جميل ونبيل واحد.

ولست أدري لماذا انتابنى إحساس وشعور قوى، تسال إلى داخلى وأنا أقرأ  
كل قصيدة فى هذا الديوان أنه كان يكتب.. حتى لو لم يقصد هذا..  
إلى أمه أيضاً بالمعنى الأكبر.. للأموهه الشامله التى هى رمز الحنان  
وحضن الأمان.. إلى أمه الكبيرة وحضنه الواسع مصر.. وطنه الحبيب..  
الأم الخالدة التى لاتموت.. والتى لا يصدق فى كل أنبيائه أنها تموت  
حقاً.. أنظر إلى قوله البليغ :

غبت يا مصر ف غريه بعيد .. عمرى ما كنت ف لحظه سعيد  
علشان عملوا ف مارس عيد .. باهرب منه .. بيجى ورايا  
ف كل مكان.. ومعاه الغم .. رحى بلاد وبلاد وبلاد  
وأهرب فىن من عيد الأم

• ومحمد شكرى كما عودنا دائماً، يتنفس شعراً، وقصائده  
كمدائن الأساطير، ذات الاسوار العالية التى تحيط بقصور منيفه  
ترقص فى شرفاتها عرائس الخيال، وتحيط بأغصان بساينها أغاريد  
البلابل الصداحه.. أينما سرت فى دروبها يحيط بك الجمال ويظلك  
الحسن من كل ناحيه.. والجميل فى أسلوبه أنه لا يتكلف رسم هذا  
الجمال، وإنما هو يأتى عفواً.. وبالتداعى.. ويدون تصنع، فهو يأتى من  
نبع شاعر حساس.. أنظر على سبيل المثال السريع أبياته التالية، وكيف

تأتى البلاغات كأنها الأحاديث المرسلة..

بيقولوا بكرة العيد .. يا رب يبقى سعيد

أمى يا أغلى الناس .. فيه عيد وانتى بعيد ؟

أوقوله :

أقول لك عايزه إيه منى .. وتأخدى هديتك إمتة

تقولى بقلبك المليون .. محبه .. هديتى .. إنت

• ومن القول المكرور أيضاً، الكلام عن أسلوب محمد شكرى فى نظم قصائده، ومفردات صياغته، وثروته اللفظية.. فهو شاعر فصيح فى الابتداء.. وصاحب ثقافة عريضة فى علم الكلام.. ولذلك تأتى مفردات عاميته مفردات مهذبة، صافية. رائقة من أسلوب العامة، لا تتدننى أبداً إلى لفظ ناب أو مستهجن أو متدننى، وإنما هو ينتقيها كما ينتقى الصائغ درره وجواهر عقده.. فى دقه ومهاره وأمانه وصبر، ويرتقى بهذه العامية إلى المثلى منها، المطعمه بأرقى ما فيها.. ودون البعد عن روحها وجوهرها، وقد تشيع فى أبياته كلمات يمكن اعتبارها من العربية الفصحى الصرفه.. ولكنها الفصحى المعتاد إستعمالها فى عاميتنا الراقية، والتي يمز عليها القارئ دون أن يدرك أنها فصحية، وذلك لأنها دارجة ومألوف استعمالها.. وتؤدى وظيفتها تماماً فى مكانها



ومعناها.

أنظر إلى قوله :

فجرتني نبع الالاسى والحزن فى قلبى .. يا دمة الاشجان

أوقـوله :

أسجل على مهجتى فى اغترابى .. قصايد حزينه كاتبها بدمايا

أوقـوله :

كنت أيامها يا أمى .. (رغم أنفى) بعيد بعيد

أوقـوله :

غرفة الاحزان فقدنا .. فيها نبع من الحنان

ودعنا فيها أمى .. ليله غاب فيها الأمان

غرفه فيها شطنا ليله .. مش حينساها الزمان

وأقف معك أيها القارئ العزيز عند إستخدامه للفظه (غرفه) وكيف

انتقاها من بين الفاظ أخرى عديدة تجرى فى استخدامات اللغة العامية..

لم يستخدم مثلاً لفظ (أوضه) فيتدنى ويصغرباللفظ عن جلال المناسبة

والمعنى الذى يبتغيه.. ولم يستخدم أيضاً لفظ (حجرة) فيقعقع بجرسه

الصارخ لينفر منه الانسياب الموسيقى فى روح انغام الوزن الذى ينظم

منه.. وهكذا.. يطعم شكرى أسلوبه بالمفردات الراقية المناسبة كما يطعم صانع (الأرابيسك) مشغولاته بنقائس الزينة وأرقاها.

• وقد أنشد محمد شكرى قصائد ديوانه من بحور الشعر التقليدية التى اشتهرت وعمت وذاعت فى ميدان الزجل لمناسبتها للهجة العامية، واقتصر منها على أوزان قليلة تناسب أنغامها روح الغرض الذى يكتب فيه، والحركة الوجدانية النفسية التى تعتريه.. فنظم من خمسة بحور فقط، أولها وزن (الرمل) صاحب الامتدادات والآهات الموسيقية (فاعلاتن .. فاعلاتن...) فكتب منه حوالى نصف الديوان (١٧ قصيدة) بل أنه شاء أن يكون عنوان الديوان آهة متصلة على نفس الوزن (آه .. يا أمى).. ثم نظم من المتدارك ٩ قصائد ، فالمتقارب ٦، فالبسيط ٢ فالهزج ٣. ولم يتقيد الشاعر بالقوالب التقليدية الجامدة، بل جعل من موسيقاه قوالباً وأشكالاً متباينة، قد تقرب أحياناً إلى ما نسميه (بالشعر الحر).. ولكن دون أن يتحرر من تفعيلاته والاشكال التى ألتمز بها.


• هذه نظرة سريعة، ومرجلة إلى الديوان، اضطرت إلى التعجل بها حتى يلحق الديوان بالمطبعة قبل عودة صاحبه من أجازته إلى بلاد الغربه التى نرجو المولى القدير ألا يطيلها.. والديوان بعد .. يحتاج إلى كلام كثير، ولكنه بالقطع إثراء لمكتبة الأدب الشعبى، ودره فريده مميزه بين جواهره وتراثه ومخزونه.

• أهني صاحبه، وأرجو أن يسبغ الله عليه ثوب الصحة والسعادة  
والتوفيق الدائم.. وأن يطيل من عمرى حتى أرى ظهور إنتاجه الجديد..

والله ولى التوفيق ..

**كامل حسنى**

فبراير ٢٠٠٠





# شعر الديوان



# كانت...

نعم.. كانت

صعب على القلب أن يذكر الحب والحنان

بكلمة «كان»

وعذاب للنفس أن تذكر نبع الحب


ونبع الحنان في دنياي

بكلمة «كانت»


إليها هذه القصيدة..

فقد كانت..

وكانت..



شكري



# كانت...

ذكريات في ذكريات ..  
اللى أصبح باقى منها ..  
ذكريات في ذكريات ..  
واللى باقى ليّـه منها ..  
ذكريات في ذكريات ..  
كانت الغاليه .. وكانت  
إيه .. وإيه يا ذكريات ..  
هات من الأول .. وإحكي  
يا شريط الذكريات ..  
آه يا قلبى .. آه يا جرحى ..!  
غريتى .. غريبة آهات ..!  
كنت باحلم إنى أرجع ..  
تانى .. من بعد الشتات ..  
والقى أمى فى انتظارى  
بالحنان .. والأمنيات ..  
الأمل .. كان جو قلبى ..  
وانتهى .. والحب مات ..!

آه يا جرح العمـر لما  
تبـقى أمي «ذكـريات»  
مرة عنها يقولوا «كانت»  
مرة ثانيه يقولوا «قالت»  
نحكي عنها «بفعل ماضى»  
والشـجـن يطلع أهات ..  
الى حاسس بيـه وشايفـه  
واللى متـهـيـألى عارفـه  
إن أمى لـسـه عايشـه  
والمرض هو اللى مـات ..  
المرض .. هو اللى مـات ..



# صرخة ألم

مين اللي قال .. ؟

إن الدموع ..

ضعف وخضوع ..

مين اللي قال ؟

والكبت ..

بيضجر قلوبنا كلنا

بين الضلوع ..

وأسكت ؟ محال ..

شكري



# صرخة ألم ..

أيدي على قلبي ..  
والصبر أجيبه منين ..!  
والتأنيبه فوق خدي ..  
تمسح دموع العين ..  
من بعد ما سافرت ..  
أمي .. فقط الربين ..  
إبكي يا عين ابكي .. خلى دموعي تسيل  
تفسل هموم قلبي .. والحزن حبله طويل  
الدمع يطفى نار القلب من جـوه  
ويريح الإنسان .. ويعوض القـوه  
أبكي على اللي راح .. من كنزنا الغـالي  
واللي ما يتعوض .. وابكي على حالي  
بـعدك يا ست الناس إيه راح يبكي  
يا نبضة الأحـساس  
داخل شـراييني ..

صرخة ألم .. والألم .. حسيت هنا بناره  
 لحظة شجن .. عمرها .. عمرى بأسراره  
 جرحى أنا .. غريبتى زادت فى مقاداره  
 يا لحظة الحـرمان ..  
 فجرتى نبع الأسى .. والحزن فى قلبى !  
 يا دموع الأشـجان ..  
 دمرتى قصر الهنا فوقى وفوق حـبى !  
 يا هازم الإنســــــــــــــــان ..  
 حطمت نفسى ومين دلوقت يرافـبى !  
 قدام عينيه الكون .. أصبح يا دوب شـبرين  
 مش لاقى سلوى هنا .. معرفش اروح على فين  
 لا كتاب بينفع ولا صاحب .. ولا الاتنين  
 قـافل عليـه البـاب  
 .. واللهم يا عـبـبى ..!  
 لكن بقلب انجــــــــرح  
 .. بارجع إالى ربي ..  
 محتاج إالى رحمتك .. صبرنى يا ربي  
 صبرنى يا ربي



# بافتكرها

والألم ببعض فيها	الى كانت صابره دائما
ابنها جوه ف عنيتها	الى كانت شايله دائما
حتته من روحى وذاتى	لسه باقيه فى حياتى
رح تعيش فى ذكرياتى	واللى مهما طال غيابها
هايمه فى ذكرى الإله	بافتكرها .. لما كانت
صوت مؤذن فى الصلاه	وافتكرها .. لما باسمع
من لينا القليله	وافتكرفى كل سهرة
هيت زينتها الجميله	قعدة العيلة الى كانت
نت بتاكل إيه وايه	لما أكل .. أفتكركا
نت تحب الميه ليه	لما أشرب .. كنت أقول كا
س الدوا فى الصيدلية	وافتكرها لما اشوف نض
يش فى نفس المسرحية	أو مريض كان زيها عا
رب معايا من الأسىة	آه يا قلبى إنكتب تش
كل يوم ينزف شويه	عشت ويايا وجرحك
طيف ابويا فى شجونه	مستحيل العمر أنسى
والدموع ماله جفونه	قلبه كان يبكى ساعتها

لما وصلنا «العروسة» كلنا لبيتها الجديد  
وبسلامة الله قفلنا الباب عليها بالحديد  
بص للباب بعد ما غطوه بمييه وبتـراب  
واسـتوى بالأرض لكن تحتـه كنز العمر غاب  
قال بلهجة ريف أصيلة كلمة لامي شـيبتنا :  
«دانتى كنتى بتزهجى لـ» لـ أجفل الشباك فى بيتنا  
بعد فترة صمت لكن كلها حكمة وصواب  
إرتضع فوق الألم تا نى وقال أعظم خطاب :  
« إنتى سامعانى وعارفه مين أنا .. لوىسـألوكى»  
«دينك الإسلام نبينا الـ مصطفى .. حايطمنوكى»

إبكى يا قلبى عليها الدموع دى ريحتنى  
خففت عنى عذابى والفجيرة جنتنى  
مستحيل أنسى نومتها عالسرير وتخبي عنى  
الألم جبار .. وتكتم فى الألم خايضة تألمنى  
كنت أطلب منها تدعى بنفسها .. لكن تلومنى  
بابتسامتها .. وتدعى «رينا خليك يا إبنى»



# كنز غالى

وفتحت عيني على كنز غالى  
رعانى بحبه ويامادعالى  
وعشت وخياله يداعب خيالى  
حنانك يا أمى كنوزى ومالى  
على صدرك الحلو رىحت روحى  
وياماداويتى بعطفك جروحى  
الامك عظيمه ولا يوم تبوحى  
ولو كان بينفع فديتك بروحى  
أنا اللى نشأت ولقيتك معايا  
وضحيتى من أجل راحتى وهنايا  
باسجل على مهجتى ف اغترابى  
قصايد حزينه كاتبها بدمايها  
حبيبى يا أمى يا كنز السنين  
رحلتى بحنانك وقلبى حزين  
وصعب إنى عايش ف غربه وحنين  
وباحيى لوحدى هنا « الأربعين »



# هديتى ..

ابتديت اشعريا أمى بغربتى ..  
وانتظارى ميعاد رجوعى .. ولهمفتى ..  
لما أفكر فى الهدايا .. يوم ما اعود من رحلتى  
إنتى أول واحد تاخد من إيديه .. هديتى  
عايزه ايه ست الحبايب ؟  
من حبيبك اللى غايب ..  
طرحه بيضه من حرير للصلاه حشمه وخفيظه ؟  
عايزه سجاده وسبحه .. ؟  
عايزه فستان من قطيفه ؟  
لسه فاكر يوم ما قلتى : يا بنى دى أمئيتى  
لما تيجى بالسلامه .. تبقى إنت هديتى ..  
لا يا أمى .. لا يا أمى ..  
الهدية كانت انتى ..  
رينا أنعم علينا .. بيكى انتى يا حبيبتى ..  
ما انتى لسه عايشه بيننا ..  
حتى بعد انتى ما غبتى ..



## البحر الأخير

عندما فاضت شجونى  
عندما سالت دموعى  
لامونى

....

إلى أخوتى .. حبايىبى  
الذين قلت لهم :

- لا تلومونى ..

ولكن .. إدعولى ..

لكنهم ..

لامونى !

شكرى

# الجرح الأخير

لسه قدام عيني صورتك      وانتى نايمه عالسرير  
صابره طول عمرك وراضيه      مؤمنه وقلبك كبير  
لسه قدام عيني صوره      باقيه للجرح الأخير  
جرحنا إحنا اللي باقى      بعد منك فى الضمير

واللى كان فوق السرير وئ      ما الألم والجرح إحنا  
والآهات كانت بتطلع      من قلوبنا تهزبيتنا  
النهارد .. يا حبيبتي      بعد ما راح اللي راح  
إنتى مرتاحه .. وإحنا      لسه بنعانى الجراح

آه يا دنيا .. آه يا دنيا      كنت فاهمك حاجه ثانيه  
بس يوم جرحى عرفتك      إنتى فعلا دنيا فانيه  
إجرى يا دنيا بولادك      قد ما يطيقوا وبس  
لما تبقى تجرحيهم      إرحمى اللي قلبه حس

الأمانى والسعاده      والمحبه والنعيم  
والأمل يا دنيا فيكى      يوم وتانى يوم جحيم



شفت قصر الحب .. لكن  
وابتسامتك حلوه تخفى  
كان أساسه مش سليم  
تحتها الجرح الأليم

الزمن بالعمري جرى  
هو ده شعارك يا دنيا  
والهموم فى الناس بتسرى  
تلعبى بينا وتجرى  
آه يا جرح العمر .. مهما  
عشت مش حانسى اللى راح  
والزمن بينستى غيرى  
والجراح .. هى الجراح

الحكاية مش حكاية  
كل ما فى الأمر إنى  
صبر أو نسيان يا ناس  
مش مصدق م الأساس  
وتلومونى يا حبايبى  
وانتو مش حاسيين بحالى  
مين حاشعربى غيركم  
أو يخفف ما جرالى

لما أقول إن الربيع مش  
والقمر .. لو قلت نوره  
جأى تانى .. بتلومونى  
غاب خلاص ما بتفهمونى  
كلمة واحدة عايز أقولها  
مش حا تحتاج للدليل  
أنسى نفسى شئ طبيعى  
أنسى أمة .. مستحيل




# جرح الفؤاد



عندما يجتمعون فى يوم ذكراك  
سأكون أنا .. الغائب الوحيد ..  
أخذتني الغربة وبعدت بي ..  
أنت القريبة .. وأنا البعيد  
أنت الحاضرة .. وأنا الغائب  
صرت فى غربتين  
بعيدك يا أمى ..  
ومن جرح الفؤاد ..  
اكتب يا أمى ..

شكرى



# جرح الفؤاد

حبيبتي يا أمي يا جرح الفؤاد ..  
يا حاضرة واحنا اللي عنك بعد  
خذتني الليالي وآه م الليالي ..  
ومكتوب لي بعدك اتوه في البلاد

.....

يا شمعة وكانت تنور حياتي ..  
يا باقيه في قلبي وفي ذكرياتي  
أخفف شجوني وحزني بإيه ؟  
تضحى وهمك سعادتي وفرحي ..  
يا بلسم جروحي بقيت انت جرحي  
وما عرفش بعدك أدويه بإيه ؟  
وتجري الليالي وتيجي ف معادك  
وذكراك باقيه في مهجة ولادك  
حبيبتي يا أمي ..

حبيبتي يا أمي ..

.....

بافكر وباحلم يا ست الحبيب ..


أنا اللى باحبك حاكون اللى غايب..  
وما حضرشى عيدك لأنى غريب ..  
ومكتوب لى بعدك أفارق بلادى  
واتوه فى الليالى وأفضل أنادى ..  
يا أمى .. يا أمى .. وحيدك غريب ..  
وأصبر .. وأصبر فؤادى الجريح ..  
دا شئ فوق ارادتى وطاقتى بصحيح.  
حبيبتى يا أمى ..  
حبيبتى يا أمى ..

.....

وحرمانى منك بيجرح كيانى ..  
وغربة حياتى بتجرح أمانى ..  
واقابل وجودى بقلبى الحزين ..  
وذكراك تيجى وتيجى الحبايب ..  
وأنا لوحدى يومها حاكون اللى غايب ..  
وبس اشكى همى وحزننى لمن؟  
عذاب الليالى وآه م الليالى ..  
ما كان حد غيرك بيشعربحالى ..  
حبيبتى يا أمى ..  
حبيبتى يا أمى ..

باشوفك يا حلوه فى كل الوجود ..  
وجودك معايا ما يعرف حدود ..  
وانت الحقيقه برغم البعد ..  
هزمت الليالى وجرح الليالى ..  
وطرت بجناحك على كل عالى ..  
فضلت يا أمى رب العباد ..  
حبيبتى يا أمى يا جرح الضؤاد ..  
يا حاضره واحنا اللى عنك بعاد ..  
حبيبتى يا أمى ..  
حبيبتى يا أمى ..





## فيه عيد وانتي بعيد

أختي الغالية :

شكراً على تهنئتك لي بـ ... العيد هذه

القصيدة كتبتها في الليلة العاشرة من

شهر ذي الحجة .. أول ليلة ... العيد كما

تقولون ..

وهي ردي ..

شكري

# فيه عيد وانتى بعيد..!

بيقولوا بكره العيد .. يا رب يبقى سعيد ..  
أمى .. يا أغلى الناس .. فيه عيد وانتى بعيد

فى كل ليلة عيد .. م النوم .. تصحىنى  
واصحى على بسمتك .. جايه تهنىنى  
قوم يا بنى صلى الفجر واحضر صلاة العيد  
عشان تنول الأجر .. والبس جديد فى جديد  
أول تحييه تكون .. منك يا أعز الناس  
يا قلب كان مليان .. بالحب والإحساس  
وارجع يا نور العين .. من بعد ما صليت  
وتقولى حاتروح فىن؟ لما تسيب البيت

عايزاك تروح لآخر .. وولاده .. روح زورهم  
وبكره .. لما تعود .. روح للبنات شوفهم  
وتمدى لى ايدك .. وتقولى خد عيدك  
واخرج مع صحابك ...

وأنشد مـواويلك

ويقولوا بكرة العيد .. حايكون علينا سعيد  
العيد يا عالم راح .. ما عاد فقلبي جديد  
غير لوعتي بجراح .. فى كل يوم .. بتزيد  
أمى .. يا أغلى الناس .. فيه عيد وانت بعيد

وسهرت ليلة العيد فى حيرتى وفهمى  
صورتك على الحيطه .. شايفانى يا أمى  
من غير ما تتكلم .. لكن .. بتتبسم  
وانا اللى باتألم .. ولوحىدى باتكلم  
عايزانى اروح ف العيد لخواتى يا غاليه  
واقول لمن مبروك أيامهم الجايه !  
العيد مكانه البيت حاقضيه مع الأشجان  
أهيم وأسبح فى ذكرى ليالى زمان  
الناس ف غربه .. وانا .. فى غربتين بعدك  
والعيد مع الأشواك .. عيذى بعيد عنك  
ويقولوا بكرة العيد حايكون علينا سعيد  
والبس جديد فى جديد إزاي وجرحى جديد  
واخرج فى يوم العيد .. فىن هو بس العيد !  
أمى يا أغلى الناس .. فيه عيد وانت بعيد





# الجرح المفتوح

أختى الحبيبة :

أخيراً جاء اليوم الذى خفت منه

يوم ٢١ مارس

جاء عيد الأم ..

بما يحمله من أفراح ..

ولكنه يا أختى ..

طعن الجراح ..

فسالت الدماء من جديد

وانسابت الدموع يوم العيد

عيد الأم ..



# الجرح المفتوح

الليلة عيـد الأم .. آه منه يا أمي  
يا كتب عليه شعري والحبر من دمي

.....

في رحلة النسيان .. دائما ضحايا كثير  
نفس الضحايا تكون للسهد والتفكير  
معقول يا ست الناس إتفرقوا الأحباب !  
ليه سبت يومها الناس سدوا عليكى الباب

.....

آه يا جريح مجروح .. فى كل عيد للأم  
جرحك صبح مفتوح .. وازداد عليك الهم  
والناس همومها تروح .. لكن عليك تتلم

حاتعيش على الذكرى ..

حاتتووه مع الماضى ..

... وتقاسى م الحمرمان

ليه كل ده يجرى ..

وازاي تكون راضى ..

... وبقلبك الأشـجـان

فى كل لحن .. افستكرأمى .. وأغنيالها  
فى كل لحظه افستكر .. أمى .. أناديلها  
فى كل عيد .. مهجتي تشعل قناديلها  
مكتوب أعيش مجروح ..  
لكن .. يا روح الروح ..  
... عمري ما حانساكى  
فى كل ليلة عيد ..  
من عهد ماضى بعيد ..  
... فيه ذكرى وياكى  
الصبر .. بعد ما كان .. وقف نزيه الدم  
صار النزيه بركان ثانى فى عيد الأم



# عيد الابن

أقولك عايزه ايه منى ...  
وتاخذى هديتك إمتى ؟  
تقولى بقلبك المليان ...  
محببه .. هديتى إنت ..

.....

تبصلى بكل حنان ..  
أحس براحة واطمئنان  
تضمينى .. وتدعيلى ..  
وتدينى هديه كـمـان

.....

تخلى بقلبك الطيب ..  
عيون الرحمه ترعانى  
و« عيد الأم » يتحول ..  
« عيد الابن » علشانى



# ويصحى الحزن ليلة العيد

وسبتينى النهارده أعيش  
غريق فى بحر الحرامان  
خلودك جـوه فى قلبى  
مع الذكـرى بكل زمان  
وحافـضل أحيى عيد الأم  
طول عمرى مع الأشجان  
وافكر فيكى ليل ونهار  
غريب محـتار ومالى قرار  
ويوم عن يوم بجرح جديد  
أحاول أنسى أحزاني  
وقلبى فيه لهيب تانى  
يصحى الحزن ليلة العيد

.....

ياست الكل فىن قلبك  
عشان يعطف على قلبى  
يا أجمل أم فىن حبك  
ينورلى طريق حـبى

يا أطيب قلب كان بيث شيل

همومي عنى ويخسبى

باعيش فى غريتى وحدى

دموعى هناك على خدى

وجرحى كل يوم بيـزيد

وحزنى فـمهجتى ساكن

واصبرها كـمان .. لكن

بيصحنى الحزن ليلة العيد

.....

وأعـمل ايله أنا وحـدى

فى عـيـد الأم .. يا أمى

فضلت احييه هنا لكن

معايا .. غريتى وهمى

● ● ●



# رسائل إلى أمي

إخوتي ..

أخواتي ..

تستطيعون زيارتها كل حين ..

وكلما فاض الحنين ..

أما أنا ..

وقد زارتني في أحلامي ..

وتعيش ذكراها في أيامي ..

أرسل إليها من بلاد الغربة ..

رسائلي ..

علها تخفف آلامي ..

شكري

# الرسالة الأولى

أمى / يا ست الحبيب

بعد شوقى .. والسلام

بالدموع .. اكتب جوابى .. بس مش لاقى الكلام

عايز اقولك .. كل حاجة .. وانتى فى دار السلام

لسه مش تاقلك وحاسس

ويتا أشواقى بلهيب

لسه صورتك جوه عينى مستحيل فى يوم تغيب

قلبى فاكرك . هو يقدر ينسى يوم أغلى حبيب

لسه فى الغريه يا أمى

وربنا يعلم بحالى

مين يا أمى بعدك انتى يهمها إالى جرائى

مالقيت غيرك يواسى لوعتى ويشيل بدالى

كان زمانك تسألهم

عنى فى لهفه وحنان ؛

يا ترى بياكل .. بيشرّب .. يا ترى بينام كمان

يا ترى عايش هناك إزاي يا ابنى من زمان



كان زمانك كل ليلة

تخلنى بابنك يا أمى

كان زمانك .. شايلة عنى غريتى أو حاملة همى

كان زمانك تندهى .. كل اللى قدامك بإسمى

وان خواتى يوم زاروكى

تسهروا فى الليل بطوله

تسألهم عن رسايلى .. وتقوليلهم اكتبوله

طمنوه عنى .. قولوله صحتى أحسن وأحسن

ما تقولوش إنى مريضه أصله يا كبدى حايحزن

واسألوه إمتى حاييجى

والا حايواصل غيابه

واطلبوا يبعث لى صورة حلوه منه فى جوابه

أمى / يا ست الحبيب ايب ..

إسم حيلى فى الختام

إنى أبعت لك حنينى .. واشتتياقى ..

.. والسلام



# الرسالة الثانية

أمى / يا فرحة حياتى

بعد شوقى .. والسلام

لما اكتب لك يا أمى .. ألقى نفسى فى انسجام

اكتب ايه تانى يا أمى ..

والكتاب به .. هى همى ..

لما أرجع للى فسات ..

واستعيد الذكريات ..

أصحى قدام الحقيقه اللى فوق كل العباد

والقى سيف الحزن قايم فوق رقبتى فى عناد

ما فى غير الصبر لكن .. ما لقيته فى البلاد !

أمى / يا ست الحبيب

إنتهى شهر الصيام

والنهارده العيد يا أمى كل عام وانتى بسلام

كلهم عندك يهنوا ويقولوك عيد سعيد

إلا أنا أصلى بعيد ..

حتى ما حسيت بعيد ..

اعذرينى يا حبيبتى ..  
 واقبلنى منى رسالتى ..  
 الشجن باقى بقلبى .. كل عيد دايماً يزيد  
 بس فيه شئ تانى عندى  
 شئ مخلينى سعيد ..  
 تعرفى لما حاقولك .. رينا ادانى وليد  
 باختصار يعنى يا أمى جبت لك تانى حفيد\*  
 قد ايه كان نفسى يلعب ..  
 كل يوم .. ما بين ايدىكى ..  
 يجرى .. يتشاقى .. ويكسرأى شئ قدام عنىكى  
 مش بإيدى .. مش بإيدك ..  
 ده نصيبى .. وده نصيبك ..  
 شئ علينا كان مقدر ..  
 قبل ما تسببىنى اسيبك ..  
 أمى / عايز اشتهكى لك ..

بس مش لاقى الكلام

كل أشواقى وسلامى . يا حبيبتى .. فى الختام




---

● ولدى أحمد الذى ولد فى مدينة جدة بالسعودية.

# الرسالة الثالثة

أمى / يا أغلى الحبايب

بعد شوقي .. والسلام

قد ايه فرحان يا أمى ف غريتى .. وآخر تمام

فكرى شويه وقوليلى

تعرفى مين اللى عندى

اللى جانى يعيش معايا بعد ما أصبحت وحدى

مين يكون بعدك يا أمى .. اللى يرعانى بحنانه

اللى حاشيل عنى همى .. واللى يضدينى بزمانه

غير أبويا الشيخ .. لقيته ف غريتى منور مكانه

جه ينورلى حياتى ..

بعد ما فاض بيته وجدى ..

قلبي حاسس لما جانى إن (ابويا وأمى) عندى

ياما بيكلمنى عنك .. كل ليله .. عن حياتك

عن صيامك .. وابتهالك .. عن قنوتك فى صلاتك

تعرفى يا أمى إنى ..

رحت حجيت لك معاه ..

ياما زرت الكعبه ياما .. وانتى جنبى فى الصلاه

بعدها كام عمره كانت ..

باسمك انتى يا حبيبتى

قبل ما اطلب أى حاجة لنفسى كنت ادعيلك انتى

وانتى دايما فى البداية .. قبل منى فىن ما كنتى

من وجودك كان وجودى ..

رغم بعدك .. مابعدتى ..

واللى بيعزىنى عنك .. واللى بيخفف لى همى

لما غبتى عنى رحتى .. فى حمى ريك يا أمى

وانتى يا ست الحبيب ايب ..

إسم حيلى فى الختام

إنى أبعت لك حنينى واشتياقى .. والسلام



# الرسالة الرابعة

الحبيب الفاتيه / أمي

بعد شوقي .. والسلام

فاتت الأيام بتجري .. كل عام بيجر عام

إطمئنني في خلودك .. الكبير دايماً كبير

رغم أنفي وأنف غيري .. الحياه دايماً تسير

.. بس إحنا مش شتاقين ..

.. يا شفا قلبي الحزين ..

يا حبيب فات كثير .. والحنين اكرر كثير

إنت لسه بيننا لكن .. آه من الجرح الأخير

.. مهما حاتفوت السنين ..

.. قلبي مليان بالحنين ..

كل يوم .. الشمس تطلع .. كل يوم ..

والقمر بالليل بيظهر والنجوم ..

والزهور بيضوح عبيرها ..

والحياه بتسرع في سيرها ..

والجمال قدام عينا ..

والأمل ينلده علينا ..

واحنأ فى وادى بعيد ..  
وحدنا لما انتى غببتى ..  
عمرى ما حسيت بعيد ..  
أوجمال شئ بعدك انتى  
اللى كان ف عينيه أحدى  
هو انتى .. يا حبيبتى ..  
دنيا فتانه بتكشف عن جمالها كل يوم ..  
بس انا يا أمى عايش بعد متك فى هموم  
عينى شايفه كل حاجة ..  
بس مش حاسه بحاجة ..  
شئ محال .. اشعر بطعم الدنيا بعدك ..  
شئ محال ..  
شئ محال .. أنسى تاريخ أمى وحنانها ..  
شئ محال ..  
إن سألتى عن حياتنا ..  
كلنا بعدك فى حال ..  
وانتى أصبحت الشعار والمثل قدام عينا  
إنتى فى اكرم جوار ..  
واحنأ يا عيني علينا .

بس اوعى تقلقى من أمرنا .. خيرنا كتير ..  
كل إخوانى وابويا .. وضعنا مالوش نظير  
وانتى عامله ايه يا أمى ..  
رينا يرضى عليكى ..  
والنعيم قدام عنيكى ..  
يبقى دايماً بين ايديكى ..  
أمى / يا ست الحبايب .. اسمحى لى فى الختام  
إنى ابعت لك حنينى .. واشتيتى اقى ..  
والسلام ..





# دنيا

حكاية الدنيا حكاية  
ورواية العـــــمـــــر رواية  
حكاية والناس أبطالهـــــا  
وكل واحد له نهـــــايه

الناس بتطمئن ليهـــــا  
وهى ما يـــــا انه بأحـــــزان  
ولما تجرحهم .. نـــــسمع  
حكم ونـــــسمع وعظ كـــــمان  
ويرجع الـــــانسان ينسى  
داحتى اسمـــــه من النسيان

يا دنيا قـــــولى بكل لـــــسان  
فى كل وقت وكل مـــــكان  
للجن والطير والـــــإنسان  
مـــــضيش أمان عندى لـــــإنسان



# ليلة العيد

التحية .. والسلام ..  
وانتى فى أكرم مقام ..  
بكره جأى العيد يا أمى ..  
كل عام وانتى بسلام ..  
منظر الحجاج يا أمى ..  
يشرح القلب الحزين ..  
يملى قلبى بالمحبه ..  
والخشوع فى كل حين ..  
النهاده يوم مبارك ..  
يوم على المسلم سعيد  
بس آه منك يا عبيد  
والحبيب أصبح بعيد

.....

كنت تيجى تلاقى فرحه  
فى القلوب فى كل عام ..  
كنت تيجى تملئ دنيا الحزينه  
إبتسم

تبني أحلامنا معانا بالموده والوفاء  
لما تيجى تقول بفرحة ..  
كل عام وانتوا بسلام ..  
بس أخلفت ف معادك السنادى ليه يا عيد ؟  
والسعادة أصبحت هريانه فى كوكب بعيد  
والجروح هى اللى باقيه ..  
فى النفوس .. وتزيد كمان ..  
والقلوب من شوقها دابت ..  
من حنينها .. للحنان ..  
مهما كان منك يا عيد  
برضه قلبى .. مش سعيد  
والسعادة .. والأمانى ..  
فى بيوت الناس .. تزيد ..  
وانتى .. ياست الحبيب ايب ..  
إفرحى فى العيد كمان ..  
أصلى حجيت لك يا أمى  
وانتى فى عليا الجنان ..  
وانتى كان نفسك تحجى ..  
يا حبيبتى .. من زمان ..



آه يا أمي !!

وداعاً .. حبيبتي ..

وداعاً .. يا حب العمر

وداعاً .. يا كل شئ

لك الجنة

ولي الله

شكري



# آه يا أمى !!

آه يا أمى .. كان زمان يا أمى والله كان زمان  
آه يا أمى .. كان زمان الـ قلب أخضر كان زمان  
وانتى جنبى يا حبيبتى نبع دايم .. للحنان  
.. والحياه كانت جميلة ..

.. قد إيه كانت جميلة ..  
وقتها .. مين كان حاي عرف أوي فكر فى اللى كان  
كان زمان يا أمى والله حب عمرى كان زمان

كان زمان .. القلب أبيض ما شعر ليلة بدموعى  
عشت أيامى بقربك عزتى تغلب خضوعى  
كنتى شمعة ليل حياتى وانطفئت بعدك شموعى  
.. واعمل إيه بعدك يا أمى ..

.. مين يخفف عني همى ..  
عمرى ما انسى فى انتظارك لهفتك ساعة رجوعى  
بسمتك كانت ساعتها تمسح الشوك بين ضلوعى

آه يا أمى .. كان زمان يا      أمى قلبى واللّه خالى  
لكن أعمل ايه فى جرح ال      عمروف ظلم الليالى  
كنت عايش فى بلاد ال      غريبة مالى غير أمالى  
.. أبنى فى قصر الأمانى ..

.. كان مصالحنى زمانى ..  
فجأه «تلغراف» يجينى      واللى جالى يومها جالى  
آه يا أمى .. من ساعتها      ورينا يعلم بحالى

كان زمان يا أمى قبل ال      ابتلا والإمتحان  
المحبة .. والتسامح      والعوطف .. والأمان  
والأمل .. والفرح لما      كنت أشوفك فى مكان  
.. كل ده واكتيريا أمى ..

.. كان زمان عايش فى دى ..  
لما عدت لغربتى من      بعد توديع «الحنان»  
إكتئابى كان معايا      هو والأشجان كمان



# جرح السنين

أختى ..

ليكن لنا - فى هذا اليوم - موقف جديد

الحزن كان قديماً .. فليكن .. بلا تجديد

ليكن حبنا قوياً .. رائعاً ..

فيه معنى جديد ..

نرتفع فيه - رغم الألم - فوق الألم ..

ونسموا فيه - رغم الجراح - فوق الجراح ..

وليبق شامخاً ..

الشوق لها والحنين ..

رغم جرح السنين ..

يا أختى ..

رغم جرح السنين

شكرى

# جرح السنين

جرحى .. يا جرح السنين

قد ايه قلبى حزين

يا حنينى للى باقى فى حياتى وهو غايب

يا عذابى من شجونى من فراق ست الحبايب

أمى يا حزننى الجديد والجراح دايماً جديده

عمرى ما حاشعربعيد وانتى يا أمى بعيده !

مين يخفف عنى همى

والأسى بيسبىح فى دمي

ياللىالى العمر دايماً تجرى بينا وتجرحينا

ليه فى عز الفرحه تيجى من حنانها .. وتجرمينا

تملى بدموعك عينا والحياء تصبح غيوم

واحنا يكفيننا اللى بينا ياللىالى من هموم !

والتقيت بعد الأمان

غريتى وحزننى كمان

نبض قلبى يشدنى دايم ما إلى الماضى السعيد

أو إلى عهد الصبا تنقلنى أشواقى بعيد

وافتكروالى جرى تنزل دموعى من جديد



قلبي في حب الحبيب له      قلب دافي مش جليلـد

لو تعود بينا السنين !

والأمل حلم الحـزـين ..

قوللي يا جرح السنين إز      اى اكون للصبر صاحب !

طيفها قدام عيني دايم      عمره ما كان لحظه غايب

بس يا لوعة فؤادى      من فراق ست الحبايب

قد ايه الصبر غالى      عالى قلبه زى دايب

يا لى حـبـك جـوـه دـمـى

مين حـاينـسـاكـى يا أـمـى

أـمـى يا حـزنى الجـديـد      والجراح دايماً جـديـده

الحقيقـه مش سـعيد      وانتى يا أـمـى بـعـيـده

كان غـيـابـك عن عـيـنـيه      جرح فى القلب الحـزـين

كل يوم أشـعـر بـنـاره      هو ده جـرح السنين

هو ده جـرح السنين



# علمتني عنيكى

علمتني عنيكى أفـتـح  
قلـبـى للـخـيـر كل يوم  
علمتني إن ما فى  
شئ سوى المعروف يدوم  
علمتني إزاي أصلى  
من زمان وإزاي أصوم  
كنت عايش حلم عمـرى  
أجمل الاحلام فى عمـرى  
بس يا خسارة الأمانى  
والليـالى الحلوة تجـرى

علمتني عنيكى ألجأ  
فى شئـئـونى لـإـلـله  
وانتى بتـحـاربـى الأـلـم ..  
بالصبر والإيمان معاه  
والأمل فى الله سـلاـحـك  
ضد أعداء الحياه

كنت أقول الاله أشوفك

قبل منى بتقوليهـا

كنت أنام الليلة وانتى

جنب منى تسهريرهـا

انتى كنتى النوريا أمى

واللىالى الحلوه انتى

والسهاده وحظ عمرى

فى عيونك يا حبيبى

الشجن عارف طريقى

بس لما انتى غببتى

ليه يا أمى .. ذكرىاتى

هى زاد الأغنيات

والتعيس هو الى ماله

فى حياته «ذكرىات»



## دمعۃ و دمعۃ

دمعه كانت فوق حدودي ..  
الألم والحزن فيهما ..  
دمعه ثانيه في عيوني ..  
عائزه تنزل وتواسيها ..

◆◆◆◆◆

كل واحد شافنى قاللى ..  
 بابتسامته : عيد سعيد ..  
 الحكاية ايه قـولوى ..  
 قالوا : بكره يبقى عيد ..  
 النهـاردہ بان ہلالہ ..  
 وانتهى شهر الصيام ..  
 فرحة الناس فى عيدونهم ..  
 شفـتہا بتـقول كلام ..  
 والى حالہ زى حالى ..  
 اختفى بين الزحام ..  
 جـمـرتين فى قلبى كانوا  
 ليلة العيد .. دمعتين

دمعة بترد التحية ..  
ودمعة بتقول هي فين ؟  
هي فين أمي حبيبتي ..  
هي فين فين ؟

.....

قد ايه يا دنيا قلبك ..  
قاسي .. قلبك من حديد ..  
بافتكرها كل ما تهل الليالي ..  
بعيد جدي ..  
لما قالوا بكره عيد ..  
حسيت بجرح جديد يزيد ..  
لما قالوا عيد سعيد ..  
حسيت بحزن اليوم شديد ..  
جمرتين في قلبي كانوا ..  
ليلة العيد دمعتين ..  
دمعة بترد التحية ..  
ودمعة بتقول هي فين ؟  
هي فين أمي حبيبتي ..  
هي فين فين ؟



# المشهد الأخير



أختاه ..

لست أدري ..

هل أرسل اليك هذا المشهد الأخير أم لا ؟

ولا أدري لماذا كتبت عنه ؟

إنه لا يبرح أذهاننا ..

إليك يا أختي ..

قصيدة الدنيا .. والوهم .. والمصير ..

وصورة لم تزل .. فى جرحنا الكبير

كتبتها بأدمعى ..

فى .. المشهد الأخير



شكرى

# المشهد الأخير

لما جئاني يوم رحيلي      عن بلادى بالمقـدر  
كنت فـاهـم من غـروري      من سـذا جـتى إنـى حـاقدـر

شفت ف عنيكى العزيمه      يومها والصبر الشجاع  
قلت لك حارجع يا أمى      وانتى قلتىلى الوداع  
فجأة أصبح بيننا حاجز      من بحور قاسيه ورمال  
من عواصف مستبده      من رعود خاينه وجبال

كل ده كمان ممكن إنى      أنسفه من أجلك انتى  
وبحنين العمـر كله      كنت اروح لك يا حبيبـتى  
بس بينى وبينك اللى      مستحيل اقدر عليه  
واللى كل الناس يا أمى      رغمها بتخضع إليه

مشهد الليلة الأخيرة      لسه بتهزف كيـانى  
لو حاولت أنسى شـجـونى      منها راح ترجـعـلى تانى  
ذكرياتى .. ذكرياتى      منها فى قلبى لهيب  
جرحها ينزف فـ قلبى      صورـه لا يـمـكـن تـغـيـب

صيدلى مع كام طبيب  
واحنأ قـدام شئ رهيب

كنا فى يومها حيارى  
زأغت الأبصار وتاهت

ايه يا أختى اللى أعمله  
رف جوابه .. واسأله  
ره انعدم مش باهمله  
بين ضلوعى باحمله

أجرى عند أختى الحبيب  
واسأل الدكتور وانا عا  
والدوا .. رغم إن تأثيـ  
والأمل رغم إنى يائس

بيقرا فى سورة ياسين  
مضطرب مذهول حزين  
رأسى متجمعين  
هدها الحزن الدفين  
تكتم النوح والأنين  
يومها بيهم أجمعين

كان أبويا الشيخ ساعتها  
جنبه كان قاعد أخويا  
شفت إخواتى على نا  
واحدة تاهت عن وجودها  
واحدة قاعده جنب أمى  
أما أنا .. كان حزنى وحدى

.....

صوره باقيه فى خيالى

.....

صوره لايمكن تغيب

صوره من مشهد وداعنا

.....

يوم «حداش» للحبيب

.....



لما ناداهما المنادى      واستعدت للمسير  
بعد ليلتين أو ثلاثه      فاتوا في إغماء عسير  
فتحت أمي عيونها      شوف حبايبها الكثير  
ودعستنا ...

وفاشوانسى      إنتهى القلب الكبير  
رحت أوصلها معاهم      وأمشى مشوارها الأخير  
سبتها ورجعت وحدى لـ      غريبتى وجرحى المرير



# مريض!

مرضت فى غربتى

فى وحدتى ..

يا أمى ..

فأين التى تحمل بعدك همى ؟

وأين فى هذا المكان ..


أجد الحنان

إنه قد ضاع بعدك ..

وأنا ..

أنا يا أمى محتاج لك

شكرى





وكننت زمان باقول الآه

تقـوـلى انتى : آهين يا بنى

وآدينى بقـوـلها من تانى

ومافى حد يسـمـعنى )

وكننت زمان بانام الليل

وتبقى جنبى سهـرانه

واشوف اللهـمـه فى عيونك

تقـوـل إن انتى قلقـانـه

وكننتى بتـسـألـى عنى

وعن أحـوالى يا أمى

علاجى ايه ومـاشى إزاي ؟

وكننتى بتـجـملى همى

واقـوـل فين انتى يا أمى

باحن كـتـير إلى عهـدك

أنا مـحـتـاج لـقـلب حنون

وفين القـلب من بعـدك

تعالى بـسـرعـه شوفى ابنك

مريض مـحـتـاج إلى عطفك

مريض والغـريـه نهـر دمـوع

وقاسيه كـتـير على ابنك



# حتى فى يوم العيد

حتى فى يوم العيد  
فى «الصيديلينه» وحيد  
قلت انسى أشـجـانـى  
بالشغل .. والموايد

حبـيـت أدارى هموم  
وامسح جراح وشجون  
قلت اشتغل فى العيد  
ولكون بقى الى يكون  
فى الصيـدلية لقيت  
جرحى .. انـجـرح تانى  
ولقيت دمـوع العين  
بتواسى أشـجـانـى

فى العيد لها ذكرى  
مش ممكن أنسىها

كانت بتجمعننى

بالفرحة وياها

شفت النهارد الناس

لابسة جديد فى جديد

وازاى تدويننى

فرحة .. وأمى بعيد

فكرت فى اللى كان

من وقت حرمانى

ولقيت تنى مش ممكن

راح أنسى أحزاني

قلت أنسى أشجاني

بالشغل والمواعيد

لكن .. لقيتتها تزيد

حتى .. فى يوم العيد



# موكب الحزن...

وسار الموكب المهيب  
بكنزه الغالى الحبيب  
حتى نهاية المطاف  
حيث تقمت إجراءات

وضعت بعدها الوديعه

في لحظة خاطفة سريعة

هذه اللحظة بالذات

هى أقسى اللحظات

أتذكرينها يا أختى

شكرى

# موكب الحزن...

على موكب الحزن .. فأتت سنين  
وانا وانتى يا أمى متفرقين  
وكنّا فى بيتنا . ومتجمعين  
بقينا مدى العمر متفرقين  
مضيش حد قدامى ناصح أمين  
وحاشكى همومى لماين والا مين  
وأدينى فى غريه بقالها سنين  
وحاسس يا أمى بنفس الحنين

فراقك هزمنى فى ليله الطويل  
فتحلى جروحى بقلبى العليل  
ولا قدرت أنسى المصاب الجليل  
ولا موكب الحزن يوم الرحيل  
حياتى بتجرى وتطفى الشموع  
ودايماً بافكر فى يوم الدموع  
ويومها يا أمى وقفت بخضوع  
أشوف اللى يجرى أمامى بخشوع




مكانك وجاهز وموكب حزين  
هناك كنا فى لحظة متجمعين  
وعمال بتجربى شمال أويمين  
تروق فى بيتك ومتشمرين  
وشفت النهايه فى حفرة يا دوب  
هنا راح نواري أحن القلوب  
وساعتها حسيت بمعنى الغروب  
صحيح كنت ساكت ولكن بادوب  
وشفت اللى عينه بتحبس دموعه  
وشفت اللى دمعته على خده سال  
وشفت اللى واقف ببيوعظ ويحكى  
حكاية عن الصبر وسط الرجال  
وقال : شوفوا بعنيكوا أدى النهايه  
هنا يا بن آدم مواعظك تير  
مصيرنا .. وغاية وجودنا .. وآيه  
وشئ فى حياتنا جميعا خطير  
  
يا ويل اللى يمشى بدرب الضلال  
يا ويل بن آدم أسير الذنوب

دى فرصه يا عالم تعيدوا الحساب  
قوم ارجع لربك يا غافل وتوب  
بنجرى ورا مغريات الحياه  
ونقسي وياكل كبيرنا الصغير  
تاخذنا الامانى فى كل اتجاه  
وننسى اللى يجرى فى يومنا الاخير  
وزاد انفعاله وقال : باختصار  
إلى جنة الخلد أو للجهنم  
عليك يا بن آدم عليك لختيار  
وفكر فى يوم الحساب العظيم

وفجأه .. سمعت اللى قال : يا معين  
وكام إيد بتتمد وسط الزحام  
وأصوات تنادى وناس مشغولين  
وناس تانيه بتقول هاتوها قوام  
ومعرفش مين اللى جم يمسكونى  
ومين اللى طبطب على كتفى فيهم  
ولما حاولت إنى أفهم .. خدوني  
بقوا يكلموني ومش دارى بيهم

لقيت قلبي رفرف ما بين الضلوع  
 وحسيت بدوخه وجالى اضطراب  
 ولما انتبهت وفهمت المصاب  
 نزل قلبي وياكى تحت التراب  
 سقينا ترابك بميه ودموع  
 وقمنا قفلنا عليكى المكان  
 ويومها يا أمى يا أم الحنان  
 شعرت بهوانى بدنيا الهوان  
 وجونا الى جونا .. شويه وفاتونا  
 مفيش حد منهم بيطفى آهاتى  
 رجعت بشجونى لغربة حياتى  
 رجعت بهمومى أنا وذكرياتى  
 رجعت وجميع أمنياتى دفينه  
 وسبت فبلادى فؤادى رهينه  
 واشوف موكب الحزن يومها يا أمى  
 على قمة الذكريات الحزينه





# سامحيني يا أمي

أمي  
واقفت في اكرم جوار  
حاولت توديعك لكن  
ما استقر بي القرار  
وكيف لأهل الأرض  
توديع أهل السماء  
ودعتهم .. ورحلت أحمل همي  
سامحيني يا أمي

شكري

# سامحيني يا أمي

مقدرتش أزورك سامحيني ..  
وسافرت وبعدك على عيني ..  
سامحيني يا أمي ..  
سامحيني ..

.....

الساعة فإيدي بتستعجل ..  
الحق طيبارتي .. وأسافر ..  
سلمت على خواتي .. ولكن !  
جيت عندك انتي .. ومش قادر ..  
وقــــــــالولي أزورك وأسلم ..  
وسكت ودمــــــــعــــــــي اللى اتكلم ..  
وافــــــــتكرك .. قلبى يتــــــــألم ..  
وما كان على بالى تفارقيني ..  
مش قادر أزورك .. سامحيني ..  
ربنا يجمعنا .. وفى الجنة ..  
من تانى يا أمي تضمــــــــميني ..  
وحنانك يرجع يرويني ..

أصبحت يا أغلى الناس ذكرى ..  
وبقيت في عالم ثاني جديد ..  
وأنا قلبي عمره ما كان قاسي ..  
ولا كان لي في ليلة قلب جديد ..  
وقــــــــــــــــالولي أزورك وأسلم ..  
وأنا عارف قلبي حايتم ..  
مقدرتش لكن ودعتك ..  
من فوق طيارة خلدتني بعيد ..  
.....

ودعتك .. لكن مين بعدك ..  
يقدر يا حبيبتي يواسيني ..  
ومكانك قلبي وجــــــــــــــــوارحي ..  
لكن لزيارتك .. إــــــــــــــــفــــــــــــــــيني ..  
مش ممكن حــــــــــــــــا اتحمل أبداً ..  
ســــــــــــــــامــــــــــــــــحــــــــــــــــيني يا أمي ..  
ســــــــــــــــامــــــــــــــــحــــــــــــــــيني ..



# كلمة « ماما »

للغريه وبافتح أحضاني ..  
ورحلت يا أمى بأشـجـاني ..  
وبقلبي حنين ..  
ولجـرحى أنين ..  
وبقالى سنين على حرمانى  
أفتكر ك دايماً ليل ونهار  
وباحن لأيامك واحـتـار  
وما كان قد ادى أى خيار  
ونويت إنى ابعـد لما لقيت ..  
راحتى فى البعد وما استنيت ..  
وبسرعة لقيتني ..  
باسـيب البيت ..  
لكن لما لقيت نفسى غريب ..  
حسيت بالجرح وكان حـايـطـيب ..  
ينزف من تانى ومما اتـهـنـيت ..  
ولقيتـك عـايشـه فـكـل مـكـان ..  
ولمحتـك صـورة على الجـدران

عمري ما حسيت بعدك بأمان ..

.....

مشتاق لك مشتاق لكلامك ..

وحشتني يا أمي أيامك ..

وحشتني ملامحك يا حياتي ..

مش باقي معايا غير حزني ..

يا حبيبتي وحرقة أناتي ..

لو أفرح يوم يبقى دا عيذك ..

يا ما نفسي يا أمي أبوس إيدك ..

وأريح على صدرك راسي ..

وأهدتي شعوري وإحساسى ..

دنا إبنك .. إبنك وحبيبك ..

.....

وحشتني كلمة لو انطقتها ..

حافظ عني هموم وهموم ..


كان نفسي أقول كلمة « ماما »

من كلمة « ماما » بقيت محروم ..

يا خسارة مفيش شئ حلو يدوم ..







عبثاً أهرب من هذا اليوم


٢١ مارس

يتبعنى فى كل مكان


ليسرق منى الأمان

بعد حرمانى من ..

الحنان



شكرى



# أهرب فين؟

جرح وعمره ف يوم ما يطيب  
حتى ان عالجه ألف طبيب

.....

رحت بلاد وبلاد وبلاد  
ولا كان فيه لرجوعى معاد  
غبت أيام وشهور وسنين  
ولا كان حتى ف قلبى حنين

.....

غبت يا مصر ف غربه بعيد  
عمرى ما كنت ف لحظه سعيد  
علشان عملوا ف مارس عيد  
باهرب منه وييجى ورايا  
ف كل مكان .. ومعاه الغم  
رحت بلاد وبلاد وبلاد  
واهرب فين من «عيد الأم»



## وحببت يا أمي

وبكل نبض المنى بادعى وباتمنى

ألقى بدنيا الهوى راحتى واتهنى

والفرحة تيجى على بابى وتستنى

والدنيا لو فرقت بيننا بقسوتها

بادعى وعندى أمل القاكى فى الجنة

شكرى



# وحبیت یا امی

وحبیبیت یا امی ..  
وکان کل همی .. ألقى حنانك ..  
وخلیكی شاهده ..  
مفیش ای واحده .. حاتاخد مكانك  
.....


یا عایشه ف عمری .. وقلبی .. وروحی  
یا جرحی الی دایماً بیجرح جروحی  
أجیبك منین بس وازی اجیبك ..  
یا ریت تیجی عایز یا امی اشتکیلک ..  
وأصأر حك بهمی ..  
واقـــــــــــــــــولك یا امی ..

تعالی امسحی دمع ابنك حبیبك  
حنانك یا امی .. وعطفك علیه ..  
محال إنی اشوفه علی واحده تانیه  
وکان کل همی ألقى حنانك ))  
وظنیت حبیبتی .. حاتبقی مكانك )

وحبيبت يا أمى .. وحاولت إنى ..  
أعيش تانى بالحب .. عهدك معايا ..  
منأيا يا أمى ..  
ساعتها انى أشعر بأيام هنأيا ..  
وأحس بمشاعرك وخوفك عليه  
وأشوف لهفة الشوق يا أمى بعينه  
يا ريت بس الاقى ولو ربع حبك !  
وحضنك يا أمى ..  
يا ريت ارمى نفسى يا أمى فى حضنك ..  
وأشعر بنبضك ..  
وظنيت يا أمى بأن السعادة حاتصبح طريقى !  
لقيت إنى باحلم .. وده مش حقيقى  
لأنى انخدعت ف ملاكى الجميل ..  
بخيل العواطف .. عديم الخليل ..  
حبيبى اللى كان عندى زى الملاك  
بيدفع خطايا لدرى الهلاك .. !  
حبيبى اللى كان فى ضمير الزمان  
مايعرف يا أمى معانى الحنان !  
ولاشفت عنده لقلبى الأمان !

رجعت بشجوني ..  
وخابت ظنوني ..  
وعدت بخيالي لعهدك يا أمي ..  
وحسيت بهمى بيكبريا أمي ..  
دا كان عهد غالي ..  
وعشت وكاني في عالم مثالي ..  
وبعدك يا أمي سهرت الليالي ..  
سهرت ابكى ليلة رحيلك يا أمي ..  
وليله بدمي سهرت ابكى حالي ..  
أنا اللي عانيت غربتي في الممالك ..  
وحبيت .. عشان القى فيها خيالك ..  
باقدم خضوعي ..  
وأخلى دموعي .. تقول فين حنانك ..  
وخليكي شاهده ..  
مفيش أى واحد .. حاتأخذ مكانك ..  
في قلبي يا أمي ..  
في قلبي يا أمي ..





أُمِّي أَحَبُّكَ مَثَلَمَا ..  
 أَهْوَى وَارْغَبْ فِي الْحَيَاةِ  
 أُمِّي أَطِيعُكَ دَائِمًا ..  
 لِأَنَّا لِرِضَاكَ وَانِ الْإِلَهِ  
 إِنِّي صَغِيرٌ فَاقْبَلِي ..  
 مِنْكِ الْهَدِيَّةَ وَالِدَعَاءَ  
 إِنِّي فِدَاؤُكَ فَاسْمَحِي ..  
 رَوْحِي أَقْدَمُهُ فَاغْدَاءَ

شكري



# أغلى هدية

فى عيد الأم .. باقولك وانتى  
عنى بعيد .. وياريتك سامعه  
لسه يا أمى .. يا غاليه عليه  
منفى ف أرض الله الواسعه  
منفى بجرح بقاله زمان  
عاش بعبدك فى الأحزان  
وازاي أحيا بعد ما ضاع  
من إيدى كنز الوجدان !

أمى يا ست الكل يا أمى  
ياللى وجودك لسه معايا  
غبتى وغابت أجمل بسمه  
كانت هيله سرهنايا  
فاكر كل كلامهم عنك  
والناس يومها بتصبرنى  
« بكره مع الأيام راح تنسى »  
مش عارفين مين ضاعت منى



روح القلب ونور العين  
منبع حب وخير وحنان  
تهتف أرض الله بعديها  
وبقيت .. مجهول العنوان  
المكتوب والمقسوم لنا  
أعترف بعذرك نار الغم  
اللى بتوولع جوه ضلوعى  
وتزيد ليلة عيد الأم

عمري ما كنت اتخيل أبداً  
اللى جـراك واللى جـرالى  
يتهيأ لى ساعة ما ارجع  
« مصر » حاشوفك فى استقبالى  
آه من لهفة قلبى عليكى  
آه من جرح حنينى اليكى  
من حرمانى .. من أشجانى  
من أشواقى لضى عنيكى  
أمى .. يا أمى يا أطيّب قلب  
عهدك راح وكأنه ما كان

خـد وياكى كنوز الحب  
 وجا بلى ثروة من الأحزان  
 سباب من بعده شرخ فقلبي  
 هذه فيومها من الأركان  
 من بين الأطلال تطلع لى  
 صورة لأمى بدون عنوان  
 صورة أشوفها تطفى شموعى  
 وتعد ذبنى بنار الهم  
 اللى بتولع جـوه ضلوعى  
 وتزيد ليلة عـيد الأم

لو أهديكى هدية عـيدك  
 ايه يا اعـز الناس أهديكى  
 ايه م الدنيا ينفع عندك  
 كل الدنيا شـويه عليكى  
 مش باملك غير بحر دموعى  
 ومراكب حزنى وتنهـىدى  
 وأغانى مجروحة بتبكى  
 وكم نجـه على كتفى وايدى

وقصايد حرقـت أعصابـي  
يـجمـعـها الـديـوان دـه يـا أمـي  
أمـي .. وآه مـن كـلمـة أمـي  
مـش بـانـطـقـهـا وهـي فـدـمـي

لـيـلة «عـيـد الأم» .. يـا أمـي  
وأنا فـيـه مـجـروح الإحـساس  
بـابـعد والنـاس مـن حـوالـيـه  
داخـل نـفـسـي .. مـع الوـسـواس  
عـارفـه اـيـه حـاـهـدـيـكـي يـا أمـي  
كـلمـة كـتـبـت حـروفـهـا بـدم  
كـلمـة «اللـه يـرحـم أمـي»  
هـي هـديـة «عـيـد الأم»



# يوم الذكرى

يوم الذكرى يا أحسن أم ..

جه والدنيا

نور على نور

جه يا حبيبتي بفرحه لكن ..

أصبح بيننا

بلاد وبحر

فين حنية قلبك فين ؟

راحلة قلبي

أجيبها منين

كل الناس حواليله ولكن ..

ست الكل الغاليه ..

فين ؟

فين حزنك في الغريه يا أمي

ييجي يداوي

جروح وجروح

جرح الغريه فقلبي .. بيكبر

فين يهرب منه .. ويروح



يوم الذكــــــــــــرى ..  
ياسست الدار  
جـه فى الغـريه يطفئ النار  
دائماً طيــــــــفك ..  
عشايش جنبى  
يسعد قلبى ليل ونهار  
طول عــــــــمرك ..  
عطفك يرعــــــــانى  
هو الذى فى الدنيا باقىلى  
آه يا حبيــــــــبتى ..  
وانا فى الغــــــــريه  
إدعــــــــىلى يا أمى إدعــــــــىلى



# حضانك يا أمى فىن؟

فى حضان الغريبة ..  
لا يتعلمنى القريب ..  
إلا .. حضان الأم

شكرى



# حُضْنِكَ يَا أُمِّي فَيِنْ؟

فَـاتَتْ سَنِينَ الهَـنَا      وَالغَـرِيهَ حَاضِنَانِي

حُـضْنِكَ يَا أُمِّي فَيِنْ

مَشْتَاقَ أَشْوَكَ أَنَا      وَالْبَعْدَ أَضْنَانِي

وَأَنْتِ لَعَيُونِي عَيْنِ

الرَّحْلَةَ طَالَتْ عَلَيَّ      قَلْبِي وَوَجْجَدَانِي

وَالرَّوْحَ بِتَشْكِي لَهْم      مِنْ كَثْرَةِ أَشْجَانِي

إِيَّاهُ إِلَهِي كَمَا أَن يَأْتِرِي      بِالْغَـرِيهَ غَوَانِي

يَوْمَ الْوَدَاعِ ابْتَدَدْتُ      يَا أُمِّي أَحْـزَانِي

صَدْرُ الضَّيَاعِ ضَمَنِي      جَرَحَ الْفَرَاقَ هَدَنِي

حُـضْنِكَ يَا أُمِّي فَيِنْ

كَأَنَّ لَمَّا بِيَضَمْنِي      الدُّنْيَا مَا تَهْمَنِي

وَأَنْتِ لَعَيُونِي عَيْنِ

أُمِّي يَا حُضْنَ هُنَا      رَاحَ الْهَنَامُ الْقَلْبَ  
وَالْحُبَّ ضَاعَ وَأَنْتَ هِيَ      نَهَرَ الْحَنَانَ الْعَذْبَ  
مُفَكِّرِيًا لَوْ عَسَيْتِي      صَعِبَ إِنِّي أَنْسَى صَعِبَ  
حُكْمَ الْقَدَرِ وَالْقَدَر      مَا شَى عَلَيْنَا غُصْبَ

الْجِرْحَ فِي مَهْجَتِي      وَالْحَيْرَةَ فِي وَحْدَتِي  
وَأَنْتَ لَعَيِي وَنَى عَيْنَ  
وَاسْأَلْ أَنَا بَدْمَعَتِي      وَاللَّهُ فَمَنْ غَرِبَتِي  
حُضْنُكَ يَا أُمِّي فَيَنْ  
حُضْنُكَ يَا أُمِّي فَيَنْ





# كان حلم

قد إيه محتاج أريح

راسى فوق صدرك يا أمى

قد إيه محتاج حنانك

اللى كان بيدأوى همى

غريبتى بادفع تمنها

بس من راحتى ودمى

شكرى

# كان حلم

كان حلم .. والله وجودك بيننا .. يا أمي  
فات .. وانتهى .. وانطوى قلبي على همي

زى النهارده ابتدت رحله .. من الحرمان  
يوم الوداع .. وابتدت رحله من الأشجان  
والعمر لما انطوى .. أصبح كأنه ما كان  
مين بس فى غربتى .. يمسح دموع عيني  
والدمع لو يتمسح .. مين يمسح الأحزان !

فاتت سنين بعدها .. والجرح ما بيطيب  
لا علاج بينفع ولا وصفه يقولها طبيب  
حايضد بإيه الدوا .. إللى فقدله حبيب  
واهرب أنا بلوعتى .. يومها واسيب قلبي  
ما بين تراب الوطن واعيش فى « جده » غريب

زى النهارده انكسر .. قلبي .. وطار النوم  
مهزوم بدون معركة .. وبدون سلاح مهزوم

غالب علينا قدر .. فى الدنيا مين حايدوم ؟  
وشفت فى غريبتى .. م الوحيد والحيره  
مش هم واحد هنا .. لكن هموم وهموم !

زى النهــــــــــــــــارده انطوت رحله من الألام  
والسرحية انتهت .. ما عادش فيها كلام  
رحلة خلود ابتدت فيها أمان وسلام  
واذكـــــــــر يا أمى هنا .. أيامك الحلوه  
أيام ما عشنا سوا .. وكأنها أحلام

والحلم فــــــــات وانطوى قلبى على همى  
كان حلم والله وجودك بيننا يا أمى



# زى العادة

زى عادته

يجينا مارس

بالألم .. فى كل عام

هو مش «عيد أم» لكن

عيد لتجديد الألام

شكرى



# زى العاده

عـــــيد الأم على الأبواب ..

زى العـــــاده

دمـــــوع وعذاب

جاي بيـــــجرح تانى وجرحى

لغـــــياب أمى

عمره مـــــاطاب

ويـــــفكرنى بأمى .. وأمى

جـــــوه فقلبى

طيبـــــها ما غاب

هو العـــــيد أفراح وســـــعاده

والا عـــــيون

تبـــــكى الأحباب

لكن زى العـــــاده حـــــاييـــــجى

ويـــــروح ويـــــســـــيب

بعـــــده عـــــذاب



# غرفة الأحزان

أخوتى .. أخواتى

هل تذكرونها ..

إنها .. غرفة صغيرة ولكن ...

هزم فيها الطب والحضارة

وأسدلت فيها الستاره

وانتهت

قصة الحنان

وبقيت

غرفة الأحزان

شكري

# غرفة الأحزان

غرفة الأحزان فقدنا  
ودعنا فيها أمي  
غرفة شظا فيها ليلة  
مش حا ينساها الزمان  
فيها نبع من الحنان  
ليلة غاب فيها الأمان

السنين بتضوت يا أمي  
إنجرححت كتيرو لكن  
كنت انا أيامها عايش  
كنت بابني نفسي تاني  
بالأمل باصص لبكره  
بين ضلوعى قلب ينبض  
قلب ما يعرف يعانى  
زودت بعهدك فى همى  
جرحك انتى عاش فدمى  
غريتى عنك وحيد  
وابنى بيتى من جديد  
والعزيمه هناك حديد  
بالأمانى والأغاني  
مهما قاسى من زمانى

كنت أيامها .. يا أمي  
أستلم فى عز فرحى  
شدنى بقسوة لبلادى  
قاللى إنت من النهارده  
بعد أمك قوللى إيه فى الـ  
رغم أنقى بعيد بعيد  
هجأة تلغراف عنيد  
بس .. للحزن الشديد  
إعتبر قلبك شهيد  
كون ده حا يخليك سعيد

مستحيل تشعر بفرحه      حتى لو كنتم فى عيد  
وانت جرحك جرح عمرك      كل يوم حايكون جديد

كنت فاتح للأمل إيه      لى وقلبى من زمان  
فجأة تلغراف حزين فى      كلمتين يحكى اللى كان  
قال بسرعة اوصل لها خا      يف تروح .. بعد الأوان

بس كان مكتوب لى آخد      منها جرعة من الحنان  
هى آخر جرعة كانت      حصتى ف كنز الزمان

تهت لحظة .. ورحت طائر      كنت نص الليل هناك  
شفتها نايمه ف سريرها      فى هدوء .. زى الملاك  
ردت الروح فيها تانى      لما قالوا : إنى جيت  
آه ياريت فضلت معانا      إيه تفيد كلمة ياريت !  
المرض هاجم عليها      والمرض دايم عنيـد  
الطبيب يمشى ويدخل      بعده الف طبيب جديد  
كل واحد كنت اشوفه      عندها .. تلميذ بليد  
والطبيب لما عرف عـج      زه وحيرته .. إعتذر  
واحنا فى غرفتها نطلب      رحمته ولطف القدر



غرفة الأحزان صغيرة  
والخشوع لما دخل يوم  
والرضا بالله فى ساعة  
بس فيها الكون بحاله  
ها الملك فيها بجلاله  
إرتجالها وارتحاله

شفت فى غرفتها حكمة  
قد إيه كانت هزيمة  
إنتهى علم البشر قد  
والتقدم والحضاره  
تكنولوجيا العصر فى را  
شفت فى غرفتها إيه مع  
شفت فيها إزاي تكون لح  
والسعادة لما بتحوم  
شفت نور الخير ساعتها از  
هى أخطر لحظة كانت  
هى قمة عمرنا .. لم  
وانتهت فى غرفة الأح  
لسه عايشه جوه قلبى  
غابت أمتى ..

بس عاشت  
من يوميهها .. فى دمايا

«توب زفافها» رحت أجيبه  
 رحت انا من بين خواتى  
 قد إيه اللحظة دى حس  
 بس كان مكتوب عليه  
 الهديه لامي تبقى  
 والألم يعصر ضلوعى  
 بعد كام يوم من رجوعى  
 بت بقسوتها دموعى  
 لما ارجع م الحجاجاز  
 غصب عنى .. «الجهاز»

والألم ساد الحبايب  
 قلت بدموعى لأختى :  
 ممكن ادخل عايز اشوفها  
 واستجابت لى وقامت  
 شفت أمى الحلوه نايمه  
 بستها .. ودعتها والد  
 بس لما سبتها حس  
 والألم ساد القدر  
 قلبى يا أختى انظطر  
 دا حنا يا أختى بشر  
 تفتح الباب فى حذر  
 فى السريرزى القמר  
 منع من قلبى انه ممر  
 بيت بشئ فى انكسر

وأمشى من غرفتها واسأل  
 ليه بنخدع نفسنا .. بال  
 كل يوم الطب يدخل  
 عندنا فى الصيدليه  
 التقدم ده ثقيته ف  
 نفسى : ليه بنعيش فى حلم  
 علم ليه ونقول يا علم  
 فى زوايا المستحيل  
 للدوا مليون دليل  
 غرفة الأحزان قليل

لما بينادى المنادى	عند ساعات الرحيل
تلقى طب الدنيا كله	مستحيل يشفى العليل
والحقيقه ف كلمه واحده	رينا هو الطبــــيب
والمريض بعد الإراده	والمشيئه راح يطيب

آه يا قلبى .. قد إيه فى	غربتى شفت العذاب
لما ودعت الحبيبـه	كنت أودع فى الشـباب
جيت وانا زايد فى عمرى	ميت سنه م الإكتـاب
غابت الأفراح يا قلبى	لما نور الأم غـاب

الوداع يا أمى .. يا أجـم	مل قصيدة فى ديوان
الوداع يا كنز عمـرى	يا رصـيدى من الأمان
مستحيل يا أمى ننسى	ليلة الحرمان زمان
لما راح من بين إيدينا	كلنا «كنز الحنان»
	«أمى»





اُختی ..

هذه المرة .. أغنى لها .. لحبيبتي ..

مسحت دموعی .. وقلبی دموع ..

وخبأت أشجانی بین الضلوع ..

وابتسمت ..

ساكتب عنها .. وانا ابتسم

وأقرأ عنها .. وانا ابتسم

وامسح جرحی وانا ابتسم

وابکی ..

أبکی یا اُختی وانا ابتسم

فالیوم عیدها .. وعید کل أم

شکری



# دورت علیکی

دورت علیکی ولفسیت  
فی الدنیا بحالها ما خلیت  
مش متصور ازی ارجع  
وانتی حبیبی مش فی البیت

دورت علیکی بوجدانی      وبقیت بعدک واحد تانی  
کل منایا لو انقماکی      وارجع من رحلة أحزانی

ایامک عایشة فایامی  
بتخفف حرقه آلامی  
وتهوّن غریبة احلامی

من بعد غیابک یا عینیہ      بعد ما فاض شوقی وحنیت  
دورت علیکی ولفسیت      فی الدنیا بحالها ما خلیت

روح قلبي يا بوقلب حنون      مش ممكن في البعد تهون  
حبك دائما يشغل قلبي      وقلبي معاك مطرح ماتكون  
كنت باحبك آه يا حبيبي      لكن حبك زاد بجنون

غبت وقلبي عايش بعدك  
أجمل ذكرى في ليل ونهار  
عشت في جنبه وسبت حبايبك  
من بعدك عايشين في النار

آه يا حبيبي يا نور العين      قوللي اشوفك إمتي وفين  
باحلم دائما بيبك واتمنى      نبقي في جنبه احنا الاتنين

العيد جانا وآه م العيد  
والقلب في وحده وتنهيد  
وانت قريب مني ويعيد

لكن بعد غيابك عني      وغياب الفرح عن البيت  
دورت عليكي ولفيت      في الدنيا بحالها ما خلّيت

على حبك فتحت جفوني      على صدرك كنت انسى شجوني  
شفت نعيم العمر معاكى      ويا ما حنانك داوى ظنوني  
أول همسة حب اعرفها      كانت انتى يا ضئ عيوني

فرحة قلبى وكانت بيكى  
مين يقدر ينسى ليا ليكى  
وانتى معايا شفت هنايا  
آه لو أعرف فين الاقـيـكى

آه يا حبيبى يا نور العين      قبولى أشوفك إمتى وفين؟  
باحلم بس بكلمة اسمعها      منك تنهى دموع العين

اليوم عيدك كله حنان  
باقضيه وحدى مع الأحزان  
لو ترجع على لياالى زمان

دنا من بعد غيابك يومها      وغياب الفرح عن البيت  
دورت عليكى ولمـيت      فى الدنيا بحالها ما خليت

حب العمر وخذ له زمان      أصبح ماضى كأنه ما كان  
خذ أحلامى وخذ أنفامى      وراحة قلبى خذها كمان  
حتى الحزن الدافى الطيب      عزعليه بقاله زمان

حافظ أصل الودف بعدك  
واحفظ دايماً عهدى معاك  
مهما يطول البعد «أحبك»  
وأفضل احبك واتمناك

أه يا حبيبى يا نور العين      قوللى أشوفك إمتى وفين  
باحلم بيكى .. بلمسة إيدك      بلمس قلبى أجيبه منين

اليوم «عيد الأم» الخاص  
وقلوبنا بتنفض إخلاص  
مش حانشوفك تانى خلاص

دانا من حيرتى لما رحلت      يومها يا أمى وسبت البيت  
دورت عليكى ولقيت      فى الدنيا بجالها ما خليت



حبك .. هو الحب الباقي      حبك يوم عن يوم بيزيد  
بهجة عمرى .. فرحة قلبى      دائماً حبك عندي جديد  
نار الغربة ونار الفرقلة      منها ف قلبى جرح شديد

يا حبيبى .. وأغلى ما حببت  
زيك فى الدنيا ما لقيت  
ولا قبلك حسيت بوجودى  
ولا بعدك لحظة اتنهيت

آه يا حبيبى يا نور العين      قوللى أشوفك إمتى وفين  
باحلم إنى أضحك واطفى      نارى واجيبك بس منين

كلمة «ماما» فى وجدانى  
راح تفضل على طرف لسانى  
كان نفسى انطقها من تانى

مش باتصـور إزاي أرجع      وانتى يا أمى مش فى البيت  
يومها يا أمى .. بعدما غبتى      زى ما اكون فجأة اتجنيت  
دورت عليكى ولـفـيت      فى الدنيا بحالها ما خليت



# وكان اللى كان

وكان اللى كان من صروف الزمان

ومين بس فـينا

حايـنى اللى كان

عشان شفتى إبنك غريب .. يا حبيبـه

رحلتى عشان تبقى زى غريبـه

مفـيش فرق بيننا

غريبـه وغريب

لأنك معايا .. حبيبـه وحبيب

ومين بس غيرك حايـضهمنى مين؟

ولما اللىـالى

تدور والسـنين

وأرجع لأهلى .. راح أرجع لمين؟

سـنين وانتى جنبى

وعايش معاكى

تضمى وجودى واعيش فى حماكى

وعمرى ما سبتك

ولا غـبـت عنـك  
وكان همى يا أمى بس اللى همك

.....

وعمرى ما غبـتى  
وفـارقت إبنك  
ولكن يا غاليه افترقنا السنادى  
ومن يومها مقدرتش ارجع بلادى

● ● ●

# انت حسي

الى بيعزيني عنك

واللى بيخفف لى همى

لما سبتى الدنيا رحتى

فى حمى ريك .. يا أمى

شكرى



# أنت حسبي

إيه يا قلبى .. إيه جرائك      كنت فى الدنيا فى حالك  
الأسى والحنن شافك      وف أحب الناس أصابك  
فين دموعك فين يا عينى      ريحيني .. وارحميني  
عايز أعمل أى حاجة      لو بإيدك اسعفيني  
عايز أخرج من همومى      من شجوني من أنيني

جرح قلبى كبير وصعب ..

ربى الطف بى يا رب ..

إنتهى عهد الحنان .. والأمان ..

إنتهت أفراح زمان ..

بعد أمى .. كل شئ دلوقت هان ..

.....

والنتيجة .. نار فى قلبى ..

كل يوم تكبر .. تقيد ..

والألم هو الذى باقى ..

بعدها .. وعُمُال يزيد ..

مستحيل أقدر على حرمانى منها .. مستحيل

مستحيل أتحمّل الأحزان بضعفى .. مستحيل

فين شجاعتى .. فين صمودى ..  
فى دروب المستحيل ؟ ..

.....

جأى عندك إنت وحدك ..  
عند أعتابك يا ربي ..  
وبدموعى عند بابك ..  
يا كريم اغفر لى ذنبي ..  
مش بأس جل إمتراضى ..  
فى إرادتك .. لا يا ربي ..  
حسبى إيمانى بحكمك ..  
ويقضائك .. إنت حسبى ..  
الفراق صعب وإرادتى ..  
انتهت .. مقدرش أخبى ..  
صدمة العمر اللى هزت ..  
مهجتى .. عايشه فى قلبى ..  
من جحيمى .. إنت حسبى ..  
من دموعى .. إنت حسبى ..  
من عذابى .. إنت حسبى ..  
رئى صبرنى .. يا ربي ..



# إنها أمى

..محمد شكرى

الحمد لله الذى لا يحمد على مكروهه سواء .. الحمد لله ، خلق الموت والحياء ، وجعل لكل إنسان أجلاً لا يتعداه .. قضى بذلك أحكم الحاكمين .. القائل وهو أصدق القائلين .. (كُلُّ مَنْ عَلَيْهَا فَانٍ • وَيَبْقَى وَجْهَ رَبِّكَ ذُو الْجَلَالِ وَالْإِكْرَامِ) •

ما فى الحياة بقاء ... ما للحياة ثبوت !

تموت كل البرايا ... سبحان من لا يموت

وأمام هذا القدر المقدور الذى روعنا جميعاً ، نقف صابرين .. خاشعين .. مستسلمين .. لأننا لانملك رد القضاء ولانملك دفع البلاء ولا نقول إلا ما يرضى ربنا ..

(إِنَّا لِلَّهِ وَإِنَّا إِلَيْهِ رَاجِعُونَ) ••

إنه والله الحق الذى لا مرية فيه ولا شك إن أجل الله إذا جاء لا يؤخر ما فى ذلك ريب وإن القضاء إذا تحكم ضعف الطالب والمطلوب ..

---

• الرحمن ٢٦ - ٢٧

• البقرة ١٥٦

فما حيلتنا إذن والأقدار قاهرة ..

ما حيلتنا إذن والأقدار قادرة ..

ما حيلتنا إذن ..

وكل أمر بـ قضاء وقدر

وكل مقدور فما عنه مقرر

ما حيلتنا إذن في الموت .. والموت أمر من أمر الله وقضاء من قضاء الله ..

وأمر الله إذا جاء .. لا ترده قلاع متينه .. ولا تمنعه حصون منيعه ..  
ولا تدفعه قصور شاهقة ..

(أَيُّهَا تَكُونُوا يَدْرِكُكُمُ الْمَوْتُ وَلَوْ كُنْتُمْ فِي بُرُوجٍ مُشِيدَةٍ) •

(أَيُّنَ مَا تَكُونُوا يَأْتِ بِكُمُ اللَّهُ جَمِيعًا ..) ••

ولكنها الحياه

شأنها ذلك .. وأمرها كذلك ..

وتلك سنة الله في خلقه

(فَلَن تَجِدَ لِسُنَّةِ اللَّهِ تَبْدِيلًا وَلَن تَجِدَ لِسُنَّةِ اللَّهِ تَحْوِيلًا) •••

---

• النساء: ٧٨

•• البقرة: ١٨٤

••• فاطر: ٤٢



وسبحان من حكم على خلقه جميعا بالفناء .. وتضرد وحده  
بالبقاء ...

الموت حق ..

نعم .. الموت حق ..

وهو المصير الحتمي لكل إنسان .. مهما طال به الأجل وامتد به  
العمر .. ومما يخفف وقعه على الإنسان إنه نغم الموصول للكريم الديان  
الرحيم الرحمن ذكره الله تعالى في معرض النعم فقال :

(كَيْفَ تَكْفُرُونَ بِاللَّهِ وَكُنْتُمْ أََمْواتاً فَأَحْيَاكُمْ ثُمَّ يُمَيِّتُكُمْ ثُمَّ يُحْيِيكُمْ ثُمَّ  
إِلَيْهِ تُرْجَعُونَ) •

سبحانك يا مولانا ..

لامعقب لحكمك ..

ولا راد لقضائك ..

ولا دافع لبلائك ..

حكمت فقضيت .. وأردت فأمضيت ..

جلت قدرتك ..

---

• البقرة : ٢٨ •

وتعالت عظمتك ..

وتسامت حكمتك ..

ودقت عن العقول والأفهام ..

فلا يدرك كنه ذاتك ..

إلا أنت .. يا الله ..

ولا يدري حكمة أفعالك ..

إلا أنت .. يا الله ..

ولا يعلم حقيقه صفاتك ..

إلا أنت .. يا الله ..

لأنك أنت وحدك ..

الذى تعطى وتمنع

.. لأنك أنت وحدك ..

الذى توصل وتقطع ..

.. لأنك أنت وحدك ..

الذى تخفض وترفع ..

.. لأنك أنت وحدك ..

الذى .. تحيى وتميت ..

.. وأنت فى كل ذلك .. تذكر بالحمد والثناء

وتدعى وتسأل وحدك فى الشدة والرخاء ..

وتحب وتشكر على السراء والضراء ..

وسبحان من لا يحمد على مكروه سواه .. ذلك لأن الحكمة مجهولة  
فيما قضيت والعقول قاصرة عن فهم ما أردت وما أمضيت.

لم يبق أمامنا وأمام ما نلاقيه فى هذه الحياة الدنيا .. إلا أن نتذرع  
بالصبر فإن الله وعد الصابرين أجراً عظيماً وثواباً جزيلاً فقال :

(إِنَّمَا يُوفِى الصَّابِرُونَ أَجْرَهُمْ بِغَيْرِ حِسَابٍ) •

رحم الله أمة واسكنها فسيح جناته ..

**محمد شكرى**

## الشاعر دكتور محمد شكرى على جاد

- بكالوريوس الصيدلانية والكيمياء الصيدلانية.
- مدير صيدلانية الحرمين . بالطائف . السعودية .
- صحفى .
- رئيس القسم الأدبى بجريدة أخبار الإسكندرية .
- عضو هيئة الفنون والآداب والعلوم الاجتماعية .
- عضو رابطة الأدب الحديث « جماعة أبوللو الجديدة »
- عضو جمعية أدباء الشعب .
- رئيس لجنة الشعر بجماعة الأدب العربى .
- مقرر اللجنة الأدبية بجمعية تنمية المواهب .
- قدمت له بالمسرح .. مسرحياته الشعرية ويبقى الأمل والكتاب .
- حاصل على جائزة الإبداع المتميز للشعر العربى من الهيئة العامة لقصور الثقافة . والجائزة الأولى فى الشعر والإلقاء من جمعية كارياتاس الدولية .
- والأولى فى مسابقة مديرية الثقافة بالاسكندرية والأولى من هيئة تنظيم الأسرة فى عام ١٩٩٢ ..
- الجائزة الأولى الجمهورية فى مسابقة الأزهر الشريف عام ١٩٩٢ .
- جائزة مسابقة جمعية الشبان المسلمين بالاسكندرية عام ١٩٩٤ .
- الجوائز الأولى فى مسابقات جمعية أدباء الشعب للأعوام ١٩٩٢ و١٩٩٤ و١٩٩٦ .
- • صدر للشاعر :- غزلية وصباحية .. ديوان شعر
- - ويبقى الأمل .. مسرحية شعرية
- - أحلام ولكن .. ديوان شعر
- - لن تعرفى مثلى .. ديوان شعر
- • تحت الطبع .. آهات وراء الأفق .. ديوان شعر

# الفهرس

الموضوع	صفحة	الموضوع	صفحة
علمتني عنيكى	٦٠	إطلالاة	٥
دمعة ودمعة	٦٢	مقدمة كامل حسنى	٧
المشهد الأخير	٦٤	كـانت	١٥
مـريض	٦٨	صرخة ألم	١٨
حتى فى يوم العيد	٧١	باقـتكرها	٢١
موكب الحزن	٧٣	كنز غالى	٢٣
سامحيني يا أمى	٧٨	هديتى	٢٤
كلمة «ماما»	٨١	الجرح الأخير	٢٦
أهرب فى	٨٣	جرح الفؤاد	٢٨
وحبيت يا أمى	٨٥	فيه عيد وأنت بعيد	٣٢
أغلى هدية	٨٩	الجرح المفتوح	٣٥
يوم الذكرى	٩٤	عيد الابن	٣٨
حضنك يا أمى	٩٦	ويصحب الحزن	٣٩
كان حلم	٩٩	رسائل إلى أمى	٤١
زى الععادة	١٠٢	الرسالة الثانية	٤٤
غرفة الأحزان	١٠٤	الرسالة الثالثة	٤٦
دورت عليكى	١١٠	الرسالة الرابعة	٤٨
وكان اللى كان	١١٦	دنيا	٥١
أنت حسبى	١١٨	ليلة العيد	٥٢
إنهـا أمى	١٢١	أهـيا أمى	٥٤
سيرة ذاتية	١٢٦	جرح السنين	٥٧

# آه .. يا أمه

رقم الإيداع: ٤٨٢٣/٢٠٠٠



مطابع جريدة السفير

٤ شارع الصحافة - المنشية - الاسكندرية

٣٣ وفاكس: ٤٨٠٣٩٦٤

عنوان الشاعر

٢٨ شارع الشهيد أم صابر  
محرم بك - الاسكندرية





شاعر الصيادنة  
وصيدلى الشمرء

دكتور محمد شكرى على جاد

أه يا جرح العمر.. لما تبقى أمى «ذكريات»

مرة عنها يقولوا «كانت»

مرة تانيه يقولوا «قالت»

نحكى عنها «بفعل ماضى» والشجن يطلع آهات

الى حاسس بيه وشايضه

واللى متهيألى .. عارفه

إن أمى لسه عايشه والمرض هو الى م

المرض .. هو الى مات

دكتور

محمد شكرى

716  
235

Bibliotheca Alexandrina



0254527